



The Federal Republic of Somalia
Office of the Prime Minister

Tixraac: XRW/0377/10/2020

Taariikh: 03/10/2020

Ku: Dhammaan Xubnaha Golaha Wasiirrada ee Xil-gaarsiinta
Og: Madaxweynaha Jamhuuriyadda Federaalka Soomaaliya

=Muqdisho=
=Muqdisho=

Ujeedo: - Wareegto Hawl-Tilmaamid

Xukuumadda Jamhuuriyadda Federaalka Soomaaliya, waxa aasaas u ah ku dhaqanka Dastuurka, Xeer-hoosaadka Golaha Wasiirrada, Shuruucda iyo Xeerarka u yaalla Jamhuuriyadda Federaalka Soomaaliya, waxa ayna ku shaqaynaysaa daah-furnaan, isla xisaabtan iyo Dowlad-wanaag.

Golaha Wasiirrada Xukuumadda Jamhuuriyadda Federaalka Soomaaliya, waa hay'adda ugu sarreysa ee fulinta hawlaha Qaranka sida: ilaalinta, meel-marinta, hagidda siyaasadda, nabad-galyada, dhaqaalaha, daryeelka iyo horumarinta bulshada, shuruucda dalka iyo awaamiirta uu tilmaamayo Dastuurka Jamhuuriyadda Federaalka Soomaaliya **qodobadiisa 99^{aad} iyo 100^{aad}.**

Haddaba, hawlaha Xubnaha Golaha Wasiirrada ee Xil-gaarsiinta, si ay habsami ugu socdaan, wax-qabadka Xukuumadduna u noqdo mid mira-dhal ah oo ka jawaabaya arrimaha kor ku xusan ee Dastuuriga ah, ayaa waxa aan amrayaa: -

- 1- In la dhowro hab-raacyada inoo yaalla oo ay tahay lagama-maarmaan in loo maro sida ay tilmaamayaan qawaacidda iyo arkaanta loo dejiyey hawlaha Xubnaha Golaha Wasiirrada ee Xil-gaarsiinta.
- 2- In marka hore Ra'iisul Wasaaraha lagala tashado go'aan kasta oo ay gaarayaan ama qoraal kasta oo ay soo saarayaan Xubnaha Golaha Wasiirrada ee Xil-gaarsiinta.
- 3- La-tashiga Ra'iisul Wasaaraha ka dib, qoraal kasta oo ka baxaya Xubnaha Golaha Wasiirrada ee Xil-gaar-siinta, waa in nuqul ogeysiin ah la soo siiyaa Ra'iisul Wasaaraha iyo sii hayaha xilka Ra'iisul Wasaare Ku-xigeenka Xukuumadda JFS.
- 4- Lama aqbali doono tallaaba kasta oo ka hor-imaanaysa tilmaamaha kor ku xusan.

Ugu dambayntii, si looga badbaado dayac-ku-yimaada waajib-gudashadii iyo waxqabadkii laga doonayey Xubnaha Golaha Wasiirrada ee xil-gaarsiinta, waa in la muujiyaa waxqabad ay mas'uuliyadi ku dheehan tahay, ka hor inta aan ka soo dhisayo Xukuumad Cusub.

Fulin Wacan.


Mudane Maxamed Xuseen Rooble
Ra'iisul Wasaaraha Xukuumadda JFS

